

近代中國史料叢刊第三十七輯
沈雲龍主編

黎文肅公(培敬)遺書

自述年譜
奏疏

黎承禮編

文海出版社印行

近代中國史料叢刊第三十七輯

沈 雲 龍 主 編

黎文肅公(培敬)遺書

公奏

疏牘

黎承禮編

文海出版社印行

近代中國史料叢刊第三十七輯
沈雲龍主編

黎文肅公(培敬)遺書

書

札

黎承禮編

文海出版社印行

近代中國史料叢刊第三十七輯

沈 雲 龍 主 編

黎文肅公（培敬）遺書

黔韶紀程·雜著
詩文略·外集

黎承禮編

文海出版社印行

沈雲龍教授主編

近代中國史料叢刊

第三十七輯

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別為原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳為職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代為搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第三十七輯

目錄

黎文肅公(培敬)遺書	自述年譜 奏疏	黎承禮編
黎文肅公(培敬)遺書	奏疏	黎承禮編
黎文肅公(培敬)遺書	書札	黎承禮編
黎文肅公(培敬)遺書	黔軹紀程·雜著 詩文略·外集	黎承禮編
桐城吳先生(汝綸)文、詩集		吳闓生編
桐城吳先生(汝綸)尺牘		吳闓生編
桐城吳先生(汝綸)日記		吳闓生編
通甫類稿		魯一同著
竹葉亭雜記		姚元之著
豫乘識小錄		朱雲錦著

50/102M

新文書
尚遺書

胡元常署首



光緒十七年辛卯
夏湘潭黎氏開雕

Long for...

新文肅公遺像



惟楚有材惟國之禎桓文肅應
運而生鬼方不恭觸據蠻爭公
來視學是經是營思樂在泮雖
鴉不鳴載橐弓矢迺建干旌湯
湘水世有令名高山安仰式茲儀型

門下士黃卓元敬題



湘潭黎文肅公子鄉會齊年且嫻姪也歿後九年予以
事至星沙歇夏其哲嗣襲公之遺集屬校定受而讀之
凡自述年譜一卷奏議十六卷公牘十卷既卒業喟然
曰咸豐間洪逆創亂蔓延天下蹂躪無完省

朝廷方用兵右武功停考試學使之出爲具文士之樸
魯者伏巖阿轉徙以槃溝壑桀黠者或流爲匪卽材能
者藉保衛鄉里爲名率首鼠兩端公於同治初元由編
修奉

命典黔學時黔盜如毛亂尤甚省會戒嚴道路梗塞公
不避艱險馳驅抵黔旣至疏陳時事劾大吏誅逆弁躬
履危疆繞考各屬於是教化行文風振黔亂潛弭遂底

於平其奏疏中所謂人心不靖由於士氣不伸實得戡亂致治之道卒亦以是受

知膺異數擢藩司任疆寄蓋

國朝二百數十年破格之典也軍興以來楚材蔚出旂常鐘鼎之盛其足以翊贊

皇猷彪炳萬世者首推曾左然無不於克名城誅大憝後始興文教而公獨於危疆亂亟之時以詩書作干櫓以弦誦靖兵戎其有功於撥亂反正者又豈出曾左下哉昔唐太宗設制科登高以望曰天下英雄盡入吾彀中公固早悟其旨宜其受

知者以此其得以展布所學者亦以此矣方今西學大

興憤激者或言制科可廢讀公疏中二語蓋亦返其本也夫至其年譜之篤摯奏議之惓忱公牘之切實皆霽然忠孝之遺古所謂三不朽者公有焉因敘以歸之時光緒十六年庚寅夏六月三品銜前翰林院檢討汝甯郡守桂林周冠

黎文肅公遺書總目

首卷一冊

年譜一卷

奏議十六卷

公牘十卷

書札三十卷

黔軺紀程一卷

求補拙齋文略二卷

求補拙齋詩略二卷

求補拙齋外集四卷

先文肅公遺書有初訂本若干卷爲伯兄

錦樓

編

時甫脫橐郵致李次青方伯元度求商榷爲敘適
方伯擢黔臬述職入都伯兄亦以任子職需次光
祿署敘文遷延未果作書仍返伯兄處光緒戊子
秋兄乞假歸遂以見付謂初訂本倉卒未手寫篇
幅龐雜或至不可讀弟等其善釐正爲完書承禮
齋歸于己丑秋與仲兄錦彝搜初訂時所餘橐得
二巨篋始將公奏議公牘分次編纂手繕之十
閱月獲葺事伯兄忽于庚寅秋逝世旋輟業至辛
卯秋仲兄復輯公書札暨黔軹紀程以詩文略
外集分責之九弟錦綺猶子丹綴輯寫錄悉就編
訂凡官書例文非公手橐者盡損去之初訂本

略漏舛誤者復勘正增入之凡得奏議十六卷公
牘十卷書札三十卷黔軺紀程一卷求補拙齋文
略二卷詩略二卷外集者試體詩賦也共四卷亦
附存之而冠以 公自述年譜恭錄

恩綸并建祠原疏

國史傳碑誌于卷端爲首卷一冊是爲書六十七卷
自辛卯夏付梓壬辰秋九月刊成讎勘旣畢謹述
緣起光緒十有八年壬辰秋九月丙戌三男承禮
謹記

黎文肅公遺書卷首

目錄

上諭

諭祭文

御製碑文

國史館本傳

湖南巡撫卞寶第奏摺

貴州巡撫林肇元奏摺

大學士兩江總督左宗棠奏摺

墓誌銘

神道碑銘

總目

光緒八年八月初九日內閣奉

上諭卞寶第奏在籍大員病故代遞遺摺並將事實開
單呈覽一摺原任江蘇巡撫黎培敬前在貴州藩司
巡撫任內籌兵籌餉克復城池平定苗匪著有勞勩
歷任四川臬司漕運總督亦均克稱厥職前因患病
開缺調理茲聞溘逝軫惜殊深黎培敬著加恩照巡
撫例賜卹任內一切處分悉予開復應得卹典該衙
門察例具奏並著將該故員生平事實宣付國史館
以彰政績單併發欽此

光緒八年十一月二十四日內閣奉

上諭林肇元奏已故大員功德在民懇建專祠竝將事蹟宣付史館可否加恩予諡一摺已故江蘇巡撫黎培敬前在貴州藩司巡撫任內籌兵籌餉克復城池歷任四川臬司漕運總督亦均克稱厥職前因在籍病故業經降旨照例賜卹竝將生平事蹟宣付史館茲據林肇元奏稱該撫學行政績輿論追思允宜特沛殊恩以彰蓋績黎培敬準其貴州建立專祠竝加恩予諡該部知道欽此

諭祭文

朕惟臣子盡勤勞之職功在封疆朝廷隆報享之文光
增泉壤言懷往績特薦明禋爾原任江蘇巡撫黎培敬
性矢端方學臻深邃通經致用名揚藻榜之輝校籍從
公譽重蓬山之選甫聯班於朝右遂視學於黔中干戈
擾攘之秋輶軒多阻戎馬倉皇之際學術全荒而乃雨
化宏敷格羣頑以禮義星軺徧歷移敝俗以詩書卓著
賢能立膺拔擢芹泮特榮夫留任薇垣更命以兼權指
揮而悉合機宜總司軍務心簡而特崇褒獎進綰藩條
翠羽垂簪一品之頭銜煥采蜺旌建節兩行之牙纛騰
輝方入覲以明虔忽因公而獲咎棄瑕錄用重瞻蜀臬

之陳破格超遷旋拜江漕之命更移旌於吳會復晉秩
於封圻方期恩眷常承益展他年之建樹何意老成頓
謝不留當代之奇英爰考彝章式頒奠醑於戲旗常銘
柱石之勳遺徽宛在俎豆達馨香之氣曠典攸隆格爾
精誠歆茲芬苾

御製碑文

朕維人臣儲濟世之才九原不
古維昭言念鴻猷用光螭碣爾
學臻宏富性矢端凝甲館蜚聲
使入黔省以持衡虜燄方張久
誰宣鸞臈之聲惟爾以文教之
猷卓著異數頻邀旣留任於轄
軍務運籌策之良謀進縮藩條
花之采翠羽垂簪榮披一品之
心簡攸隆曾幾歷乎階資遂榮
顏實切於下懷咎獲因公鑄秩

不次超遷陳臬事於蜀中督漕綱於淮上移旌吳會晉
秩封圻倚昇方殷重錫建牙之寵勳名再立益彰勵翼
之忱何期偶染微疴遂至長辭恩眷聿懷往績特沛隆
施慰厥英靈諡以文肅於戲勳垂節鉞允昭竹帛之光
績紀豐碑丕煥松楸之色式彰新命尙克欽承

國史本傳

黎培敬湖南湘潭人咸豐十年進士改翰林院庶吉士同治元年散館授職編修三年提督貴州學政貴州自苗教倡亂大定府黔西州相繼陷遵義路久斷四年三月始聞關抵任時雲貴總督勞崇光駐黔與貴州巡撫張亮基論兵事各持意見培敬密疏督撫不和恐誤大局時言黔事者皆依違疏入始得實情六月案試貴陽府革除棚規供應捐廉自辦舉行本任歲試兼補前任歲科試皆取如額八月試安順府未歲事賊屬至與安順知府嬰城固守援至賊解圍

去遂調考普安廳生童皆荷戈助登陴聲威甚壯賊不敢逼時都勻知府移駐獨山州竝移試院校士甫戒裝獨山報賊警請緩行培敬不顧至賊已退屯州城三面三十里而近試畢捐廉爲倡令各學教職視力所能及集貲爲木城以資捍衛後荔波失守獨山復被圍堅守不失其功至是始見次試黎平府閒道由廣西湖南乃得達永從苗故有學籍亂後久不就試培敬廉知苗民學籍不樂漢民侵占出示以安苗召試爲言苗民翕應人情以安接試銅仁松桃鎮遠各廳郡多十餘年來學政所不至者方試銅仁

鎮遠荆竹園賊驟至府縣力
外禹王宮作試院培敬卽駐
無一賊薄城時雲南布政使
統領道過黔西培敬與語矜
英專辦滇中軍務六年八月
旨仍畱貴州學政旋以太常寺卿石
撫事宜稱培敬深得民心艱
上命會同該省巡撫辦理勦撫屯田
奏事尋

賞四品頂戴署貴州布政使是時寧
桀堅守龍里久不下培敬等

三千金以兵三路進攻七年六月克之旋復貴
定名桀遁去黔省出軍克捷自此始

詔嘉其悉合機宜授貴州布政使先是學政任內密陳
降寇林自清屢戕官吏請

旨交張亮基查辦未果行至是請於巡撫曾璧光設法
誅之函首省城八年三月上其功

賞戴花翎旋獲匪首陳喬生定番軍務平十年復都勻
府城

賞加一級紀錄三次十一年大軍平牛角坡苗巢七月
曾璧光疏言培敬忠以運謀和以濟難自克龍
里貴定後南平陳喬生西除林自清東定都勻